

Italie

LAN MOO TAX ÑU YOBBU SAMAY XIBAARI BOPP CI EURODAC?

Xëtu F

NIT ÑI ÑU BIND NGIR ÑUY DOXAL ANAMI
TOPPATO DALAL YI TËNKU CI TËRËLIN YI
RÉEWI ÓROB SAMP CI WÀLLU DÈKKAL NIT AK
DALAL NIT NDAX FONK DOOMU AADAMA



➤ LU TAX MA JOT TÉERE BII?

Dañu lay waajal ci ab tërëlinu dalal wala ab tërëlinu dalal ngir fonk doomu àadama ci ab réew bu bokk ci réew yu booloo yu Órob (EU).

Teere bi dafay joxe leeral yu gëna yaatu ci xibaar yi njiit yi di dugal ak ban diir lay am.

➤ LAN MOOY DÈKKAL NIT AK DALAL NIT NDAX FONK DOOMU AADAMA?



dañu la waajal ci ab dëkkal wala ab dalal ngir fonk doomu àadama ci ab réew bu bokk ci réew yu booloo yu Órob. Loolu mooy tekki ni Bàñqaas Buy Saytu Mbiri Dawlàqqu te Aju ci Mbootaayu Xeet yi (UNHCR) wala beneen bàñqaas bu wara saytu say mbir.

Benn ci réew yi bokk ci réew yu booloo yu Órob yi dina jël dogal leegi ci ndax nàngu nañu nga nekk ci réew mi ak ndax di nañ la may kaarange bitim réew wala tolluwaayu kaarange fonk doomu àadama.



LAN MOO TAX MA WARA JOXE SAMA NATAAL AK SAMAY AMPAREENT BAARAAM?

Njiit yi ci réew mii dinañu jël sa ampareent baaraam ak sa nataal.

Xibaar yii bu ñu leen boolee ak xibaar yi nekk ci sa dântite ak yeneen xibaar yu am solo di na ñu leen yobb ci ab dencukaay bi Eurodac.

Eurodac dafay jokkale yenn xeeti nit yi yu cosaanoo wul ci ab réew bu bokk ci réew yu booloo yu Órob ak réew yu ànd ak ñoom ci ay doxalin ak seeniy ampareent baaram yi ñu dajale ak seeniy nataal.

31 Réew yu booloo yu Órob ak réew yu ànd ak ñoom ci ay doxalin yi mëna toppatoo say mbir ngir jël ci ay xibaar ñooy jëfandikoo dencukaay bi.

Dinañu gëstu:

- ndax danga am ba noppi tolluwaayu kaarange ci ab réew bu bokk ci Réew yu booloo yu Órob wala réew yu ànd ak ñoom ci ay doxalin
- ndax dañu la nànguloon ba noppi ab dëkkal wala ab dalal ngir fonk doomu àadama ci ab réew bu bokk ci réew yu booloo yu Órob
- bu fekke ni ab réew bu bokk ci réew yu booloo yu Órob nànguwul sa bindu ci diiru ñetti at yu mujju yi ndax mbiri kaarange
- bu fekkeeni ci diiru ñetti at yu mujju yi, nànguwuñu nga nekk ci ab réew bu bokk ci réew yu booloo yu Órob wala dañu dindiwaat nàngu gi ñu la nànguloon.

Réew mi bokk ci réew yu booloo yu Órob biy dugal say xibaar dina njëkka xool rekk ndax benn ci yii ci kaw soxal nala. Fi ñu tollu nii, say xibaar duñu leen dugal ci Eurodac.

Yaa ngi léegi ci Italie mi nga xam ni bokk na ci Réew yu booloo yu Órob wala ci réew yi ànd ak ñoom ci ay doxalin.

Réew yu booloo yu Órob ak réew yi ànd ak ñoom ci ay doxalin ñooy:



27 réew yi bokk ci Réew yu booloo yu Órob (EU): Allemagne, Autriche, Belgique, Bulgarie, Chypre, Croatie, Danemark, Espagne, Estonie, Finlande, France, Grèce, Hongrie, Italie, Lettonie, Lituanie, Luxembourg, Malte, Pays-Bas, Pologne, Portugal, République d'Irlande, Roumanie, Slovaquie, Slovénie, Tchéquie, Suède ak



Yeneen 4 réew: Islande, Liechtenstein, Norvège, Suisse.

➤ YAN XIBAAR LAÑUY YOBBI CI EURODAC?



Xibaar yii di ñëw ñu ngi leen denc ba leegi:

- say ampareent baaraam
 - sa ab nataalu kanam
 - bepp tur booy wuyoo jamono yii ak ci lu weesu
 - sa taarixu juddu
 - sa barabu juddu
- askan wi nga bokk wala askan yi nga bokk
 - goor wala jiigen
 - ay sotti yu sa dântite wala kayiti tukki yoo mësa jëfandikoo, buñu jàppandee, lu mel ni ay xibaar ci wàllu seen Wéraay
 - Ràññeekaayu ligeeykat bi jël say ampareentu baaraam ak sa nataal ak taarix biñu jël xibaar yi yonnee nañu leen
 - réew mi nga bindoo ngir am kaarange bitim réew
 - taarix bi nga bindu ngir am kaarange bitim réew.

Xibaar yii di ñëw tamit dinañu leen dugal Eurodac bu ko laajee:

- Réew bi wara càmbar sa bindu
- Bu fekkee dañu la toxal, réew biñu la toxal bi bokk ci réew yu booloo yu Órob ak réew yi ànd ak ñoom ci ay doxalin
- bu fekke nàngu wuñu sa bindu amuloo sañ-sañ ci des ci réew mi bokk ci réew yu booloo yu Órob ak réew yi ànd ak ñoom ci ay doxalin
- bu fekke ni sa bindu dañu ko jëlee woon ci tërëlinu foronceer ginaaw gi nàngu wuñu ko wala dañu jàpp ni sa bindu bi dañu ko dindi
- ay xibaar ci bepp wiisaa bu la ab réew bu bokk ci Réew yu booloo yu Órob wala réew yu ànd ak ñoom ci ay doxalin mësa jox
- ay xibaar ci bepp jamono boo mësee joge ci réew yu booloo yu Órob ak réew yi ànd ak ñoom ci ay doxalin
- xibaar yu jëm ci ndax dangaa mësa nàngu ci sa coobare ab digal ci dellu sa réew.

Am nga sañ-sañ ci jot ak joyyanti xibaar bu jaarul yoon bu nekk ci Eurodac ak sàkku ñu dindi say xibaar bu fekkee dañu leen jëfandikoo woon ci lu dëppoo wul ak yoon. Mën nga woo saytukatu xibaar yi ngir def loolu. Xibaari jokkoowukaay yu saytukatu xibaar yi mën nañu leen fekk ci teere bi ñu duppee "**Ndax amna yeneen xibaar yu ñu dugal ci Eurodac**".

➤ BA KAÑ LA SAMAY XIBAARI BOPP YI DI NEKK CI EURODAC?



Mi ngi aju ci xibaar bi waaye mën na nekk:

- 5 at, bu fekkee réew bi la bind nàngu na la jël wala
- 3 at, bu fekkee réew bi la bind nàngu wu la jël ndax lu aju ci kaarange wala
- 3 at, bu fekkee danga jël digal ni nëggatu loo ci ñu nàngu la ci réew mi wala bu fekkee njiit yi dañu jàpp ni noonu la deme ndax li nga baña yombalal ligeeykat yi ligeey bi.

Bu fekkee amnga kayit bu lay may nga bokk ci askan wi laata diir bii di jeex, dinañu dindi sa xibaar yi. Buñu dindi wee sa xibaar yi, loolu du am benn jeexital ci sa tolluwaay ci réew mi nga amee kayit bu lay may nga bokk ci askan wi.

Bataaxal bi ngir joxe ay xibaar rek la. Nekkul ngir joxe ay sañ-sañ ak ay wareef. Moo xam EUAA wala kepp ku koy ligeeyal du ñu leen toppee dara ci jëfandiku bu waay mēna def ci xibaar yi nekk ci bataaxal bi.

© European Union Agency for Asylum, 2025